



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**De Collegiis Canonicoꝝ Per Germaniam, Belgivm,  
Galliam, Hispaniam, Italiam, Aliasqve Orbis Christiani  
Prouincias, Liber Singvlaris**

**Le Mire, Aubert**

**Coloniae Agrippinae, 1615**

Capvt LXV. Bambergense Collegivm Cathedrale in Germania.

**urn:nbn:de:hbz:466:1-11227**

dotati. De Thorensis huius monasterij initij<sup>s</sup> legitur in Chronico Leodiensi à monachi<sup>s</sup> Aureæ Vallis conscripto: *Ab Anfredo comite, de consilio Notgeri Episcopi Leodiensis fundatum est cœnobium monialium in villa, quæ dicitur Turne, quam tenet Comes Brabantinus à Leodiensi Episcopo. Hic Anfredus in Episcopum Traiecti per Deum electus, suam coniugem Hilsindem in Turne constituit; ubi filia eorum Benedicta primò regimen animarum sub regula B. Benedicti suscepit: ibiq; sepulta sunt. Notgerus Comitatum Hoyensem Leodiensi Ecclesiæ ab Anfredo comite acquisiuit, & ea quæ Otho Imperator habebat ibi, acquitavit Episcopo, & annulo priuilegium sigillauit.*

## CAVTLXV.

BAMBERGENSE COLLEGIVM Cathedralæ in Germania.

**B**AMBERGA olim Babeberga, Bamberg Germaniæ Vrbs Episcopalis à iurisdictione Archiepiscopali est exempta: cuius Urbis Episcopus pallio archiepiscopali in Sacris utitur, ut in Italia Ostiensis, Lucensis & Ticinensis, & in Gallia Dolensis, ex priuilegio à Rōmanis Pontificibus concessio. Bambergensem Episcopatum cū collegio Canoniorum instituit ac dotauit *Sanctus Henricus II.* Imperator, ut Ioannes Cygneus in suo Annalium Bambergensium Prodrōmo typis Moguntiæ publicato, tradit.

Basilica porrò cathedralis Bambergensis anno 1011. dedicata est, præsentè eodem Sancto Henrico Imperatore.

## CAPVT LXVI.

S. BARTHOLOMÆI COLLEGIVM  
*Leodiense.*

**A**Nno 1016 sub Baldrico secundo Episcopo Leodicensi claruit Godescalcus Collegij Sancti Lamberti Præpositus, qui Diui Bartholomæi Collegium exstruxit, & duodecim Canonicis prouidit. Ita Placētius in Catalogo Episcoporum Leodicensium.

Sancti Bartholomæi templum istud dedicauit idem Baldricus Episcopus an. 1017. III. Kalendas Nouembris, præsentè Heriberto Coloniensi Archiepiscopo.

Numero duodecim Canonicorum postea alios octo Reginardus Episcopus Leodiensis adiecit, teste Anselmo lib. 2. cap. 31. de gestis Pontificum Leodiensium. Obijt is anno 1037.

## CAPVT LXVII.

VETERIS CAPELLAE COLLEGIVM  
*in Bauaria.*

**H**ENRICVS SANCTVS Imperator sub Gebhardo Episcopo Ratisbonensi Ecclesiam S. Mariæ Virginis ad veterem capellam, olim à Theodone, (sicut & alia Otingæ ab Othone, eius fratre est excitata) Principe Bauariæ